



Ret. Komp.


59587

Mag. St. Dr.

Feol. 5726.

phi Empyreum lumine sancti sa

ris resplendens.



EMPYREUM

LUMINE SANCTITATIS

RESPLENDENS

D. ELIAS

PROPHETA

Sacerrimi Ordinis Fratrum Beatissimæ

VIRGINIS MARIÆ

DE MONTE CARMELO

PATRIARCHA

&



FUNDATOR

Redeunte Festivo Die

In Basilica Sacratissimi Corporis CHRISTI

Celeberrimi Convētūs Posnaniensis

PP. CARMELITARUM strictioris Observantiæ

M. Iosepho Choynacki in Alma Universitate Cra-
coviensi Philosophiæ Doctore, in Academia
Posnaniensi Matheseos & Poeseos Professore

Sermone Oratorio

PUBLICATUM

Anno quo

Empyreums Salutare generi humano lumen demisit: 1737

Die 20. Julij

POSNANIÆ Typis Academicis.

IN INSIGNE
SACERRIMI ORDINIS CARMELITANI



59587 ¹⁴

I.

Dextra gerens gladium, terras defendit & Aras.
Ignis comburit noxia fata Bonis.

II.

Dum populis allucet Olympus fidere trino
Nubila dispereunt clarior aura manet

III.

Terris; sub trino stellarum lumine claro,
Tempora proveniunt, sors quoq; multa favet.

AD MODUM REVERENDO ac EXIMIO in CHRISTO PATRI

P. E L I Æ

2 S. FRANCISCO

PROVINCIALI, ac DEFINITORI GENERALI,
ADMODUM REVERENDIS IN CHRISTO

P A T R I B V S,

DEFINITORIBUS, EX. PROVINCIALIBUS,
CUSTODI PROVINCIAE, PRIORIBUS, S. THL.

Ac

Aliis PP. Celeberrimi F.F.B.V.M. de Monte Carmelo Strictioris
Observantiae ad Aedes sacratissimi Corporis CHRISTI Collegii Posnani

PATRONIS COLENDISSIMIS



*Empyreum Lumine Sanctitatis Resplen:
dens ELIAS Div: nullibi cōmodius can
didissimos virtutum suarum disten
dit splendores quàm sub Phæbeis sacræ Reli:
gionis Vestrae Umbris. ADMODUM REVERENDI
ac EXIMII in CHRISTO PP. Ita convenit ut
auricomum Phæbum minora sequantur sidera,
& non alibi, nisi in Aede luminosa eidē famu
lentur. Princeps & Protoparens Vestrū ELIAS
de tanta ex mirabili Sanctitate meruit luce, ut
ab illa splendidissimæ Orbi Christiano diffundan
tur parallaxes. Gelida Empyreum caret glacie ri
gidos non fovet aquilones, nec turbidum susti
net Eurum. Empyreum Cælum est serenissimum
crassa nubila pellens; & Lumina tribuens pera
mæna. Quidquid de proprietatibus Empyrei*

minus excullo adduxi stylo, singulae dotes istae,
in Protoparente Vestro elucescunt. Noscuntur
celeres ex sublimi ad Caelos volatu aquilae, ex a-
stris conjecturantur dies, & lilia ex odore com-
probantur. Docent Philosophiae dogmata, rela-
tionem; filios dicere ad Patrem: Optica; nitidos
à sole radios provenire affirmat, & omne diapha-
num à luminibus procedere asserit uniformiter.
Apparet Virtus paterna in filiis, imò quidquid
patriae convenit dignitati, hoc totum filiali ad a-
muissim correspondet propensione. Eximium Opti-
mi Patris Prototypon, Sacra de Monte Car-
melo appellaris Religio: in Te, velut in speculo pu-
pilla vultum; Eliana admiratur orbis merita.
Publicatis Protoparentis Vestri elogiis, cum
exigua laboris pagella ante erudita Veltrum RR.
PP. festino Tēpora, postulando; ut Laudes Fun-
datoris Vestri ELIAE à me adoratore Illius Vo-
bis oblatæ affabili excipiantur Fronte. Primā
ad Te converto dictionem, tanquam ad cellam
Carmelo impositā Basim Ad modum Reverende ac
eximie in CHRISTO P. ELIA a S. Francisco S Th. Le-
ctor, FF: B-V-M: de Monte Carmelo strictioris Observan-
tiae PROVINCIALIS dignissime, ac DEFINITOR Ge-
neralis. Justè Paterno ELIAE gloriaris Ethymo: in
Te enim zelus pro DEO & fervens in promo-
vendo Reginae Caeli honore non cessat desiderium.
ELIAS Spiritum Propheticum cōmunicavit Eli-
sæo,

ſæo, Tibi patrium in munere reddidit nomen.
Flexerat averſum à DEO, Regis Achab ani-
mum ELIAS Propbeta, tua Vitæ integritas, ita
Dynaftarum adhæret menti, ut, verus erga Te
favoreorum non mutetur. Fulſit Cælum humeris
Atlas Tu non brachiis at manibus caſtis ſtella-
tum Olympum ſuſtentas. Tertiò Provincialis re-
gimen tenes dignitatis, ut ſignum perfectionis de-
monſtres in Virtute. Laudat Stagyra ex animi
præſtantia Ariſtotelem, Polona Provincia Te
prudentiſſimum naſta eſt Theologum, longè no-
bilioſis ingenii Ariſtotele. Maniſteſtant Theologi-
cos labores tuos typographicæ columnæ, ac im-
mortalis gloriæ præparant Tibi colloſſum: hic ut
ſiſtat immotus, corde exopto. Nequeo tua retice-
re merita. Admodum Reverende ac eximie in CHRIS-
TO P. TIMOTHEE á S. Laurentio S. Th. Lector
EX PROVINCIALIS ac CUSTOS Povinciæ Actualis.
Virtutes tuæ non tam Oratores quam potius
adoratores requirunt. Omni eruditione ple-
na Frons tua pumillam ad elogia indolem raro
admittit, Marones tantum repoſcit laudatores.
Ignolces minus expolito in eloquentia genio, ſi
oratoriis tuam morum præſtantiam non exactè
delineabit coloribus. Dicam; quod publicat de
Te Fama. Vi vis in Carmelo non humana; at
methodo Angelica, nihil in corde gerendo, præ-
ter candorem Virtutis. Cenſoria Catonum nun-

quam Te potest lædere nota; tanta est vitæ tuæ
puritas; ut nulli subiaceat adoxiæ. Tribunnt Cæ-
li divisa naturæ humanæ dona, Tibi, Cælestes ex
toto favent, Gratiæ. Theologica subtilitas Te
profundum ad facilitanda mysteria invenit Do-
ctorem, nec ulla tam ardua fuerat difficultas,
quàm subtile mentis tuæ non enodaret acumen:
inde semper honos Nomini tuo laudesq; maneant
perennes, animitus precor. Eloqui, an silere de-
beam de magnificentia Virtutum tuarum de-
finitivum pone sentimentum. Ad modum Reve-
rende ac eximie in CHRISTO P. IOSEPH E a S. Elia Prime
DEFINTOR Provinciæ. Linguas si centum haberem,
nondum tuam animi enarrarem sufficienter ex-
cellentiam. Vir Accrescens es, & omnis augmen-
tum Magnitudinis. Nemo tuis ad amissim valet
applaudere meritis, illa sibi elogium & pretium
sistunt. Laudabile; quo fingeris officium Sacræ
utlissimum Religioni, nec enim Solon pruden-
tius publicas expediret causas, ut tuum prænobile
rationis definit iudicium. Sistis ad consecra-
tas Cælicolarum Aras probissimus Aaron; ma-
gis Sanctorum DEI. quàm cōmoda propriapro-
curandos Det ergo Tibi longævos benignus Jupi-
ter annos ut a Virtutibus tuis splendor Carmelo
augeatur. Careo gratiâ oris, ut condigne elegan-
tissimos meritorum tuorum deprædicē actus
Ad

Admodum Reverende in CHRISTO P. JOANNES a S.
Clemente. S. Th. L. DEFINITOR Provinciæ ac Conventus.
Gedanen: PRIOR. dignissime. *Hortensis opus est lau-*
datoribus ad enarrandum Probitatem tuâ, imo
Xenophontes Elogiastæ inquiruntur. Errarent
abrogantes Zonorum linguæ, Tibi meritissimo JO-
ANNI cælestes non favere zephyros. Verè manibus
Te suis educârunt Gratia, ut multis affabilis-
simus videreris Ioannes. Mellea oris tui facun-
dia, toties iratum placavit Cælum; quoties devi-
antes a rectitudine animas allexit ad virtutes: ex-
tollunt Theologicos labores, exculta tua eruditi-
one ingenia, cōprobantia. Te Ioanne vix majorē
in arena Literaria surrexisse Theologum. Robo-
rant Zelantia recti cælicolarum cultus pectora
tua, ut indefessus stellati Olympi noscaris susten-
tator Ioannes. Bonus ad tuarum virtutum emi-
nentiam patet cultori nominis tui accessus. Admo-
dum Reverende ac eximie in CHRISTO P. BERTHOL-
DE a S. Petro S. Th. L. emeritissime. Prior Bidgostiensis
dignissime. Licet excellentiora sint omni laude me-
rita tua, tamen permittente favoris Tui Ze-
pbyro, humili verborum energiâ, animi tui
narrabo eminentiam. Uberrimam Jagellonicus
manipulus tulit messem, quando gemmeæ erudi-
tæ frontis auxerunt hisce vigorem guttæ Censerē
de tuo Capite prodiisse Palladem, ni noscerem
ingenii tui subtilitatem, ipsam prudentiæ Deam

*superare. Quotiescunq; Theologici maris in-
surrexere fluctus, Tu securus inter maximas
difficultatum procellas, stitisti Mediator. To-
ties attonitus in adorationem tui literarius
rapi videbatur orbis, quoties invitatus in
certamina, non armis, sed animo confligebas
Hercules eruditissimus. Vive ergo, & vince o-
mnia fata Vir ingeniosissime, Carmelo in orna-
mentũ & Christiano orbi in emolumentum. Tre-
pidare menti meae contingit, cum Te magnani-
mum scrutetur Leonẽ. Admodum Reverende ac exi-
mie in CHRISTO P. LEO a S. Theresia Exdefinitor Pro-
vinciæ PRIOR Posnaniensis Dignissime. Profecto tre-
mendum Nomen tuum corpora magnanimo pro-
sternere jubet Leoni, non vocibus contendere o-
ratoriis. Animal terrestre signumq; Cæli appella-
mus Leonem, utrumq; tamen magnanimitatis
indiciũ esse judicamus. Longe nobilius anima-
libus istis arbitror in rebus agendis robur tuum,
LEO es, quẽ furor Eumenidum vincere nequit
in adversis. Lustrasti Romuleas Aedes, ut virtu-
tis tuæ specimen posthumo relinqueres ævo. In-
clinavit superbam frontem Othomanica Cyn-
thia, cum Te LEONEM, ex Lechicis oris
advertit venientem. Deprædicant sacratæ la-
borẽ tuum Aræ, quod Te promovente Summus
DEO exhibetur Honos, & sacer Cælitum cultus*

*adaugetur Fiat ergo longæva ætas tua, ut indefessus
sub nomine Leonis Carmelo appareas Numa.
Succedis robusto Leonire & nomine Vir fortis.
Admodum Reverende ac eximie in CHRISTO P. GA-
BRIEL a S. Cyrillo. EXPROVINCIALIS EXDEFINITOR
ac Oratorij S. Semi Sanguinis D: JESU CHRISTI Residens
dignissime. Nullam tuum nomen explanat parvi-
tatē, Gabriel namq. Fortitudo exprimitur DEI.
Nonne Vir fortis & roboris atlantici existis? in-
vidus tuo nomini esset, contrariā opinionem asse-
rens. Nondum labescunt brachia tua, licet mul-
ta pro Cælicolarum honore; pondera sustinuere.
Cor tuum heroicæ æquivalet potentia, quò ma-
gis impugnatur adversis, eò firmitus resistere pa-
raturum. Sudat prudentissima Frons tua, ut sacræ
Religionis leges servantur intactæ. Bonis auspi-
ciis provinciale absolvebas officium, nulli ad mo-
lestiam, omnibus ad placitum existendo. Nec
doctissima Pallas, neque perspicax Minerva te-
cum certare audebant, videntes excelsi ingenij
Theologum. Siste igitur felix, maximos in an-
nos, nec ulla Te superent in Carmelo fata. Illuden-
tes propensionis meæ erga Te non suppose vices
Admodum Reverende ac eximie in CHRISTO P. LU-
DOVICE a S. Thoma DEFINITOR actualis provinciæ
ac Magister Novitiorum dignissime. Laudanda vir-
tutum tuarum congeries, brevi non potest
describi stylo, sed protensa indiget Maronum*

panegyri: quod tamen publica de te intonat Fama;
hoc sub rosa silentij impossibile tenere. Visitasti
Romam, non ut illius scrutareris eminentiam, sed
quatenus Sanctorum Ascetarum integritate tra-
hereris ad Virtutem. Novitiorum Magister es,
non novissimos, at primos; vita exemplari Coronæ
Cælesti reddendo Candidatos. Nobiliora Delphico
Tripode Religioni Carmelitane à ratione tua,
emanant consilia; quomodo tua in definiendo af-
firmat sententia hoc nobilissima comprobant in-
genia. Parce sermoni, hunc nisi diligis excessum,
quia incessanter Divino invigilas Cultui, & sa-
cræ orationi insomnes non finis impendere noctes.
Vive ergo longævus intra Carmelum Nestor,
Sacræ Religioni in Columnen atq; decus. Vene-
randum Nomen tuum, laudibus nè an plausibus
dignum, decide Admodum Reverende ac eximie in
CHRISTO P. JOACHIME a S. Josepho S. Th. L. e-
meritissime. Censeo; dignissimo Nomini tuo, &
plausus, & votiva competere encomia. Plausus ete-
nim ex Virtutibus, laudes verò à morum resulant
elegantia. Subtile ingenium tuum, verè gloriosum,
& mille triumphis dignum. Nulla fuerat tam-
nervosa quæstio Theologica, quam tua non su-
peraret solertia. Clytomachogloriatur Carthago;
Arpinum principem eloquij veneratur Tullium,
Te major Polonia prænobilibus viris, longe celsi,
or.

orem præponit Joachima. Te pietas, modestia,
Cultusq; Sanctorum, Virium omni laude excellen-
torem in stellato, imo Angelum Carmeli vertice
repræsentant. Faveant Tibi sidera Cæli, ut beni-
gua eorum; ad nestoream ætatem exuberet afflu-
entia. Etsi vellem, nullatenus possum nobilissi-
mas Virtutes & merita tua profundo involvere
silentio. Admodum Reverende ac eximie in CHRISTO P.
THEODORE a S. Dorothea Celserrimi Conventus Po-
snaniensis Subprior ac Concionator dignissime. Grande
contraberem vituperium, si Nomini tuo humile
in applausum præstare nollem obsequium. Theo-
dorus Donum DEI explanat: certè ingenij tui
gloriosæ dotes, Divinum in Te manifestant Do-
num. Profanus olim, linguâ tonabat Pericles. Tu
sacer in Exedris Orator, ita in obstinatos tonas
populi animos, ut suos abiicere errores non recu-
sent. Copiosa Gratia suæ præstitit Tibi Rector
Olympi munera, majora speres, pro labore fidei,
& circa humanarum salutē Animarum solici-
tudine, præmia certa; ut reportes, sincera appre-
cor mente. Quomodo Nomini Tuo & meritis ap-
plaudere debeam, finale uti Theologus assignes
argumentum. Admodum Reverende ac eximie in
CHRISTO P. PAULE a S. Thoma S. Th: Lector actu-
alis emeritissime Doctorem gentium tuum denun-
tiat nomen, cui breves sufficere non possunt libel-
li. Ignosce emeritissime P. si non benè expolita

eloquio lingua, sufficientes ignorabit reddere No-
mini Tuo applausus. Paulus existis, à cuius ce-
rebello neclarei in emolumentum Studentium
animorum profluunt fontes. Neque Stoa, neque
Peripatus & Athenæ; tam subtilem novère.
Doctorem, qualè Te nunc scholasticæ Cathedræ
venerantur. PAULUM. Gloriaris, imò letaris
magni Nomine Doctoris, in verum sublimis in-
genii documentum. Silent Sophismata, vitiosi in
arenam literariã non veniunt circuli, cum tuæ
Theologici argumenti Propositiones in filo ha-
bentur. Non recedit a tua scientia Pietas, nec à
subtili ingenio cultus Divinæ majestatis alie-
nus. Duc ergo prosperos, sine fato dies, trina Car-
meli sidera, majoris Dignitatis augeant Tibi
splendorem. Ultimã dicendi attingo periodũ, sed
primã Nomini Tuo exhibeo reverentiã. Admo-
dum Reverende ac eximie in CHRISTO P. CHERU-
BINE a S. Antonio S. Th. L. dignissime. Sublime no-
men tuum, quibus celebrandum præconijs peni-
tùs ignoro. Cherubim luminis Sapientiæ partici-
pes, ac æternæ beatitudinis possessores nominan-
tur. Ebulliunt scientifici a mente tua radii, quib9
splendorem trinis Carmeli attribuis Luminari-
bus. Alienæ sunt ab animo tuo umbræ ferales,
nec Cymmeriæ lumen rationis tuæ circumve-
lant noctes; semper ab erudita fronte tua sere-
nissimus meridies resplendet. Sint alii ex animi
de-

*idexteritate potentes, Te Cherubinum a sapien-
tia satis magnanimum mea veneratur propensio.
Æstimant Doctorum Capita prænobile tuum
Nomen, affirmantia Te CHERUBINO nec subti-
liorem, nec celliorē sapientie surrexisse cultorē.
Sumit fortunatum ex magna ingenii tui subti-
litate Carmelus indicium, unde & ego votivum
appono sermonem. Ut sub stelligero Olympo feli-
cibus annis & ingenio resplendeas CHERU-
BINUS. Hactenus Religiosissimi PP. pro posse
virium mearum gloriosis Virtutibus Vestris
& meritis, clientalis allaboravi non tam orator,
quam Nominis vestri adorator. Modo in ter-
mino dictionis ad incessabile EMPYREI lu-
men, converto pupillas. Exiguam; quam pro
Laudibus PROTOPARENTIS Vestri cengeffi opellam
benigna acceptetis fronte, supplico. Si vero
in FUNDATORIS vestri ELIÆ encomiis
minus expolita Tulliano sermone erraverit
lingua; parcite precor, parcite. EMPYRE-
UM ELIAS ex prægrandi Virtutum ac
meritorum præeminentia Sufficientissimum
elogium, atq; panegyris sistit. Imbelles sunt Ora-
torum Linguae in deprædicandis magni PRO-
PHETÆ meritis. ELIAS PROTOPARENS Ve-
ster admiranda Sanctitate umbratiles; efficit pro-
fundos Encomiastarum sensus; & quidquid de
Sacerrimo innuitur Patre, hoc de Illius suppo-*

nendum Filiis. Ut tamen Philadelphicæ propen-
sionis manifestum remonstretur signum, scri-
ptum pro Laudibus ELIÆ, in manibus vestris
pono libellum, hæc publicando vota. Clarete ad
usq; CARMELI Decora, vivite in Stelligero
Angeli Olympo, quousq; lucidissima Poli ra-
diabuut Phænomena: atq; sub EMPIREO
ELIA PROTOPARENTE PATRIAR-
CHA, & FUNDATORE vestro Cymmerias
nunquam experiamini umbras. Votivo sermoni
banc ultimam appono periodum, quòd sim
clientali propensione sincerus

C E L E B E R R I M O R U M

NOMINUM VESTRORUM

Cultor & Servus

Author Operis.



ORATIO

BRæcelſas magni Prophetæ Virtutes , aut
Sacratos Angelicæ Illius vitæ ſplendores-
intra Stellatum Carmeli verticem , imbel-
li Astrologicæ rationis circumducturus
orbita , in primo verborum initio, pro-
fundus Eliani Nominis contremiſco adorator. AA.
Verè reverendum eſt , ubi coruſcum fatali carens occa-
ſu Luminare ELIAS , longè latèq; Sanctitatis ſuæ dif-
fundit jubar , cujus nitorem, nec lynceæ Argorum pu-
pillæ , nec cryſtallinus Obſervatorum audacter intuetur
ocellus. Nulla pro certo finiti ad infinitum habetur
proportio , omnes candore pleni colores naturaliter
diſgregant viſum , mirabiles ad invicem radiorum con-
curſus , ad curſum ignei ELIÆ carpenti, unico evane-
ſcunt momento. Diaphana quemlibet fulgorem pene-
trantia vitra , coram albicanti cordis Prophetici flam-
ma , fumea afficiuntur nigredine. Cæleſte probitatis lu-
men, dum ſpargit per Orbem ELIAS , pellucida cry-
ſtallus , atra tegitur labe, tritiq; maculatur pallore. Cla-
riora Teſcopiorum obcæcantur perſpicilia , optici fran-
guntur tubi , lumine Eliano accreſcente. Protrahe au-
ratas illuſtris Titan quadrigas , protrahel metire purum
æthera micanti temone, ſubitò ferali decoloraberis E-
clipſi, & ingens in claritudine tua patieris deliquium, ſi
intaminatam ſacerrimi Vatis æmulaberis celſitudinem.

A

Arctos

Arctos lucidissima, obscura; scintillantes rotas trudit ad
antra, flammigero Eliani essedi axe, universam illuminan-
te terram. Duodenis astrorum figuris delineatus tene-
brescit Zodiacus, quum ELIAS radianti puritatis balneo
præcinctus, oras Cælorum perlustrat supernas. Amænos
Planetarum vultus, teter obnubilat vapor, purificatâ O-
lympi Eliani aurâ; sidereum serenante Dium. Planè sin-
gula Cælorum Phænomena, nunquam liliaceo Virtutuna
Candori, ceu pulchritudini Elianæ, correspondent ad-
amissim. ELIAS integer vitæ, scelerisq; purus, pravos
peccaminosæ turpitudinis exterminat nævos, æquali in-
æmulationem indiget luce; & unius qualitatis, ut Cor Ejus
sacratum ignes requirit. Pereant evanida Cypridis nefan-
dæ fulgetra, fumantes præstigiosi Adonidis extingvantur
faces, jugales plaudentis Hymenæi obtenebrentur tædæ,
jam triumphales in zelosis ELIÆ pectoribus candescunt
pyræ, jam inter Herculeam Prophetæ mentem, roseus si-
ne obsæna defectuum umbra Hyperion inclarescit. Pro-
vecta in altum Pharos, graviori aptatur ruinæ, ardenti-
bus spoliatur lychnis, ELIA Divinissimo veram *Empyreï* lu-
cem, præferente. Fulgurantiâ in sublimiori regione meteo-
ra, metaphoram nonnisi luminarium depingunt, non es-
sentialem luminis proprietatem manifestant. Insolens
Phateontis animus Atticas mittitur ad noctes, quum læ-
tissimo terris sereno, Sacerrimus favet ELIAS. Claudicat
præpetibus Draco volans pedibus, lacteâ Virtutum ga-
laxiâ, probo ELIA procedente. Tantisper ferox Hære-
seos Mulciber, audaciùs fulminantia contra Superos
vibrâisset tela, ni flammivomum Colla superborum pre-
mentem, in manu ELIÆ vidisset mucro-nem. Con-
fringe accensas gentilitati inserviens Vesta ceras, suffo-
ca thuriferas defraudans populum Isis acerras, nunc
Iride pulchriores Eliani cordis radij, thura confundunt
Sabæa, nunc pro DEO *Exercituum* æstuantia Prophe-
tæ præcordia, omne flammarum genus præcedunt. Quo-
modo

modo ergo ELIA Divinissime tuam excelsam imbellis
 genius enarrabit Ethologiam? licet crySTALLINOS lustraret
 Cælos, etsi pulcherrimum scrutaretur Firmamentum,
 vel cunctas Polorum circumiret periodos, ut exinde præ-
 grandis Laudum Tuarum surgere posset Olympus! Pa-
 rum esset! Sanctitas Eliana cunctorum decus confundit
 Astrorum, & splendor Phæbi admirabilis, ante niveum Va-
 tis Divini pallium, subitò expallescit. Solidissima insuper
 superiorum machina globorum, periculosos expavescit
 motus, dum ELIAS felicissimos figendo gressus, sancti-
 or pro DEO & Cælitibus existit Stadiodromus. Hæret
 & horret lingua Adoratoris tui *Athleta Divinissime*, du-
 bitans; quo de fonte Oratorum, in elegantiora Dignita-
 tis Tuæ elogia materiem, est sumptura. Summa Virtutum
 Tuarum ac Meritorum augetur congeries, pumilionem
 non acceptat indolem; sed Cyris & Xenophontibus jure
 merito indiget Elogiastis. Confido nunc minimus ex
 tuis Laudatoribus, quia flammantibus non offendar ar-
 mis licet Te ELIAM in sublunari compagine *Empyre-*
um Lumine Sanctitatis resplendens· ulteriori dictione pu-
 blicabo. *Empyreum* ELIA Divinissime dum insulso pro-
 fereris labio, accende lumen Oratorium, ut solennior
 Nomini Tuo illucescat excellentia. Præbete doctissima In-
 genia, benignos attentionis vestræ Zephyros, ut eviden-
 tius conspectui vestro *Empyreum* ELIAS innotescat.

Spatiosæ & speciosæ multorum sphæræ Cælorum, in-
 ditis à primo rerum Authore DEO proprietatibus,
 interdum exhilarant, interdum perturbant terrestre
 hemisphærium. Commune est; testudineo passa progre-
 dienti Saturno, maleficos producere eventus. Sym-
 pathica inclinatio benevoli Jovis, de profundis terræ visce-
 ribus, obryzo tinctas extrahit venas, & inhærentes suo
 regimini affeclas, in summam honoris evehit augem.
 Horrifica bellorum & iræ numina Mars atq; Gradivus,

rarò felices; sæpius ferales annumerant diēs , & deplo-
randæ frequenter fiunt principalis causâ ruinæ. Sol ir-
retorta mundi totius pupilla, ad regalia proprios Clientes
promovet Solia, & si fortunatus inter polaria extiterit
Domicilia, omnia terrigenis adauget Bona , optimumq;
fertilibus agris adhibet incrementum. Pollens venusta-
te Venus, virus malitiæ inter mortale præparat genus, ut
libentius retrahat à virtutibus, & vitijs inhærere instruat
uniformiter. Mercurius versutiæ plenus, nunc terris blan-
ditur, nunc serenat, modo pacatam variat auram ac fu-
rentem suscitât Eurum, manifestas inconstantia suæ ex-
primens qualitates. Candida Phæbe continua varietate,
lucis plenitudinem excludit, præfixo quietis caret termi-
no, & quæ hodierna die, placido arridet vultu, in crasti-
num lugere parata. Plorant sæpenumero senio gravatæ
Plejades, licet quandoq; exhilaratas erigant frontes, aut
teneras præferant Virginum genas. Raro Aselli clarissi-
mum respiciunt meridiem , citius cum luctu ad imum
properant, quam in auge planetaria apricantur. Eridanus
adeo copiosis plerumq; irrigat humum laticibus, ut ma-
gis nociva campis profluvia, quàm fluctuantes acervis
aristas, ex hæreditarijs extrahat terrigenarum fundis. Argo
super antarctico elevata Polo , per arduum scandit iter,
infaustas Martis experitur procellas, spumantibus immer-
gitur lymphis, ferientibus alliditur scopulis , antequam
fortunatum advenerit Promontorium. Vilescit septem-
trionale prope Arcticum diadema, dum Laurea in Tem-
poribus ELIÆ revirescit Corona. Regina Alitum Aquila,
alternas fortunæ gerit vices; Corvus rauco crocitât gut-
ture, Cygnus tristitia mixta secundis occinit, serpens de-
centi excoriatur squammâ , Pegasus pro nectareo stilli-
cidio, amaros soleato pede excavat rivos , Cephæus An-
dromede & Cassiopæa pessimis afficiunt influentijs , &
loco gemmei roris sanguinolentas; de corpore gementium
populorum extorquent guttas. Major adhuc consurge-
ret

ret Astrorum multitudo, nisi alia sensui Astrologico præ-
poneretur dictio ad probandum. Producent equidem lu-
cida varios effectus sidera, sed defectu abundantes, præ-
stant innumeros rebus creatis vigores, sed virulenta af-
fectione plenos, & meram ex se imperfectionem expri-
mentes. *Empyreum* nonnisi; Cælum existit perfectum,
nulli obnoxium fato, vitiosas rerum vicissitudines, & in-
esperatam prosperitatis mutationem non admittens. *Em-
pyreum* prima Omnipotentis DEI ac Beatorum sedes, &
deliciosa Angelorum quies, appellatur. Rotundas Cæli
inferiores habent figuras, ut signum mutabilitatis descri-
bant momentaneæ. *Empyreum* secundum Dogmata Theo-
logorum; ideo in quadrata positum forma, ut continua
varietate deficiat, & celeres in deterius manifestè cur-
sus, aspernetur. Solidæ cæterorum sunt Cælorum Sphæ-
ræ, *Empyreum* his longè solidiùs stabit, quia Regis Æter-
ni Thronum repræsentat. Modicum juvat, licèt rutilan-
tibus ardeat Aplanes igniculis, cùm extemplò densis o-
periuntur nubilis, lumen amænum opprimentibus. *Em-
pyreum* sanctificata luce adornatum, nulla impuritatis
adumbratur caligine, nec indecenti cujusq; levitatis sipa-
rio, obvelatur. Verbo concludam veriori. Tanta est *Em-
pyrei* cum perfectione præeminentia, tanta Cæli istius
majestas, ut procellosam criminum tempestatem, & dis-
parentiâ, fatorum incendia reprehendat. Quantum *Em-
pyreæ* eminentiæ, tantum ELIÆ accrescit dignitatis. Non-
dum primam laudabilis vitæ tenellus ELIAS; salutaverat
auram, jam secundum exhibuit Universo vaticinium,
quòd ex admiranda ingenij altitudine, ex dilucido no-
bilissimarū Virtutū meridie, Nomē *Empyrei* nanciscetur.
Divisa alijs; Cælorū influentiæ præstiterè dona, ELIÆ non
de medio, vel in parte tantum, verùm ex integro Cæle-
stiâ favère domicilia, qvatenus essentialis *Empyrei* pro-
prietas, veridico in futurum conveniret Prophetæ. Osten-
tet ab Inacho, Anchisa, aut Trajano sublimis Tetrarcharum

propago, primā ortus sui lineā, sufficit ELIÆ, quum *Soba-*
chæ probissimi Patris denuntiatur Natus. Licet Matris ELIÆ
cognomen sacri reticeant Fasti, mihi si conijcere liceat, eā
fuisse Lucinā enarrabo, quæ in sinu materno ELIAM, longē
Nobiliorem Lucij educaverat prolem, quia siderei Atlan-
tem Lycæi, imo *Empyreï* Significatorem sustentavit ELI-
AM. Fovit fabulosa gentiles Deos Berecynthia, ELIAM
præscium futuri Eventus Nuntium, Sanctus enutrivit ti-
mor, Pietas *Dulcæ* cultum erudivit, Fortitudo robustum
contra vitia servavit, pura conscientia & Charitas necta-
reo innocentiae lacte, juvenilia ELIÆ labia irroravit.
Patriam ELIÆ si quæritis? Thesba fuit in Galaad, munus
ævo non postremum, ELIAM conservando. Adauget
sacra Moyſis & Aaron Tribus, Domui Elianæ dignitatem,
de cujus Familia, patrius *Sobachæ* sanguis, originalem
duxerat fontem, ut immundus melius recognovisset
mundus, quod Zelosus ELIÆ Spiritus, impuris delubro-
rum athomis, terrenis non permittet diutius dominari li-
minibus. Auro notanda ELIÆ teneritudo, nihil con-
trarium DEO, nihil Angelorum choris abominabile, &
Cælo nihil egit detestandum. Omnes ELIÆ actiones vir-
tutibus plenissimæ, virens sanctioris Ascanij ætas, ferven-
tissimam in juvenili corde Amoris Divini accendit æsta-
tem, suavissimos Virtutum fructus maturantem. Miracu-
lum ELIÆ juvenus fuerat non vita; vires enim supra
naturam in casto Corpore contra hostiles Cælitum posuit
phalanges, roburq; invincibile, ad depressendas idolorum
cervices adaptavit. Horridos cum strepitu gemitus, die
natali ELIÆ, turpe paganorum ediderat fanum, quia
acerrimum Veritatis Defensorem, ac strenuum iniquæ
falsitatis Vastatorem super Carmeli vertice, velut *Empy-*
reo sentiret imperaturum ELIAM. Studeant pessimis ar-
tibus, dissoluti in nefas quodlibet epicurei, ruant cæco
impetu ad cænosam scelerum paludem impij Tenebrio-
nes, ELIAS gravi piaculorum nunquam onustus plum-
bo,

bo, sed elegantissima Probitate venustus, asperos vitio-
rum carbones sacro compescit jubare, & dolosos delin-
quentium ignes, admirando Sanctitatis extingvit splen-
dore. ELIAS decorus innocentiae Narcyssus, intra cale-
scentem fervidi cordis vigorem, sine aritudine virescit,
& Ver caelesti Favonio exhilaratum, late patenti dum ex-
plicat hemisphaerio, *Empyreï* attributa, ostendit luculen-
ter. Fatale urbis incendium, sive funestum Trojæ
excidium Paris, quamvis cerussa & purpurisso, ille-
cebras tinxerat genas, gehennæ tantummodo placuit &
Plutoni; non Polo, nam pudore frontis rejecto, maluit fæ-
dos criminantis Vesevi concitare calores, quam lumina
probitatis servare inextincta. Procul tanta ab ELIA re-
cesserat orexis: arserat Divino Propheta amore, vitiorum
contemnendo amarorem, æstuavit puritatis Entheo, pro-
fanos inconstantiae ardores, gratissimo modestiae velo
comprimendo. Blanda Priami forma, enormibus nequi-
tiae fucata maculis, letheo in victimam abiit rogo, no-
menq; populo gratum, in oblivionem invido tradidit
orco. Coram admirando ELIÆ vultu, nunquam impu-
ra audebant micare faces, zelosa nonnisi Charitatis er-
ga Cælicolas magno Prophetæ alluxit inflammatio, absq;
torpore animi, & sine vitiorum æstu. Esto; quod alio-
rum mentes Cyprius cum pyrio delectet pulvis, inces-
sabile Virtutum lumen, maximum ELIÆ fuit solatium, &
prima Spiritus Prophetici delectatio. Nisi fuligine cri-
minum Nero fuisset notatus, naturalem; Vestæ Tem-
plum visitans, non amisisset visum. Horrenda convicio-
rum monstra caelestem in corde Eliano extructam, dū ex-
pugnare Aram attentarent, ignobilius quam talpæ cæcu-
tientes, aut clangentes noctuæ, coram Sacrata *Empyreï*
luce umbrabantur. Floridum ELIÆ tyrocinium, velut
inexpugnabilis steterat turris, fortiter irruentibus ere-
bei Synonis insultibus, resistendo. Mystica Turris ELI-
AS, in qua coruscantes fulsere lampades, prælustre pri-

mæ magnitudinis astrorum jubar, seu *Empyreï* lucem diffundentes. Multoties inflammati iracundiâ Erisichtones, voraces aperuere fauces, ut aliquo modo castum corpore & animo Hippolytum ELIAM læderent, sed vano elusi conatu præ ingenti mæstitia, in flammeas averni diffugere rimas. ELIAS illæsus omnium victorevasit spectrorum. Evasit honorificè, triumphator mundanæ vanitatis ELIAS, majoraq; emeritæ Virtutis daturus documenta, voce Omnipotentis monetur DEI, ut numerosum populi deferat gremium, astutam mammonæ evitet fallaciam, austeram in luco agat vitam, lucis æternæ, ceu lucidissimi Possessor *Empyreï* nominandus. Libenter Divino paret imperiò ELIAS, non amplius evanescentibus Thesbæ immoratur umbris, quærit alacriter eremum, effervescentiæ erebi fulgura, virtutum claritate, extincturus. Sistit Propheta ad torrentem Carith, Charites in sincero amore magistras, de Cælo venturas alacriter expectando. Subitò ad Carith, ita peroptimo carissimus Creatori permanfit ELIAS, ut indies Seraphinorum pennis, cum dulcissimò modulamine, ex purificatis Carith cisternis, candidus sine fuco ad Firmamentum usq; elevabatur Olor. Nulla cupiditatis corruperat Prophetam fitis, verum tanta undarum Carith mellificavit palatum & ora ELIÆ svaavitas, ut fellea criminosa voluptatis gustare ignorarent condimenta. Properant virulenta ad scaturientes, fontium latices reptilia, noxium in illis mersura aconitum, vel auram salubriorem resorptura. Torrentem Carith lethæus Coluber, mortifera gerens aculeo toxica, nunquam aggredi ausus, ELIAM super littora Ejus, sanctiorem animadvertens Nereum, septicipem vitiorum hydram dextrâ sua compescentem. Cedite rapaces Scyllæ & Charybdes! ELIAS; turbidas periculorum supra Carith domat procellas, & pulcherrimis illius lymphis, asperos demergit scopulos, ne in maris spatiosi fundum, fraudulenta Syrenum voce, circumspecti trahantur

tur Ulysses. Abeste abligurientia artus naufragantium Acro-
ceraunia, ELIAS cælestem ad littora Carith protraxit
Navim, nè à præfixo fortunatæ spei termino, lassati aber-
rent Navarchi. Pyratae; non amplius gratiâ lucri, damno-
sam exerceatis artem, ELIAS supra Carith aureo gemmis
verecundiæ ornato invigilans velleri, navigantes in ad-
versitate juvat Jazones, & flammigero mucrone, iustus
injuriæ vindex, infaustos undequaque venientes inter-
necinè eradicat impetus. Gloriosa magni Prophetæ mo-
destia mundanos contemnit astus & fastum, sola ELIÆ
placet humilitas, non elatio, quæ submissionis cortinam
ne excederet, angustam super littora Carith habuit con-
sistentiam. Detestata est mundissima ELIÆ Caro, pueri-
lia Cari & Commodorum crepundia, maluit intra Carith,
jejunâ cruditate macerare alvum, quam lautis poculorum
affluere rivulis, aut opulenta Lucullorum mensâ, immorta-
li obstacula ponere Probitati. Angelorum hoc dicimus
esse munus, sine terrena vivere annona, & laturantia
nunquam gustare alimenta. ELIAS verè ut Angelus, in
humano vixit vivitq; corpore, numerosiores sine cibo, in
terra peregit dies, in opimas Paradisi dapes, jejuniis ab-
breviatum servando appetitum. Modico ELIAS in de-
serto vescebatur pane, verus esurie domitor, posthumo
remonstrandus ævo. In Eremo Corvus ELIÆ altor &
servus, quæ beatissimo Homini Orbis negaverat obse-
quia, hæc præstiterat Corvus, quæ populus dona Prophe-
tæ abstulit, hæc irrationalis ales obtulit benevolè. Inclau-
ruit intra Firmamenti periphæram luminoso sidere Cor-
vus, ut pro fidei erga ELIAM promptitudine, libenti-
us in *Empyreum* vibraret palpebram, ac pro continuo
labore, felici in Cælis potiretur statione. Phœnicem po-
tius non Corvum, putarem fuisse illum Alitem, nisi a-
tror plumarum hac in opinione præpediret. Phœnix
rarissima Avis, combusta iterum de bustis renascitur, Cor-
vus inter ferventes Charitatis ELIANÆ flammâs, nec u-

nica privatus pennâ, eò sublimiùs ad cæleste evolârat à
pogæum, quo humilior Corvinum Caput, propheticis
inclinaverat Plantis. Signum augurij ex crocitantis desu-
mitur Corvo, ELIAM quam Magnum Prophetam Orbis
visurus esset, Nuntius hoc in passu, extiterat Corvus.
Tandem ab alis prædicti Alitis, in aliud periodicam re-
volutionem converto iter. Processit ELIAS de virtute
in Virtutem, ascendit per gradus Sanctioris Ascetæ pro-
bitas, & rectissimum ad iuvenis *Empyreï* sedem, in-
venit tramitem, sine devio errorum motu, & absq; pe-
riculoso viarum anfractu. Arctabat rigidè innoxios in ere-
mo artus, robustior Æmiliano Heros ELIAS ceu stella-
tus Angelorum militiæ annumerandus Hercules, omnia
quæcunq; gesserat, non terrigenarum, sed *Empyreï* Cæli-
colarum digna gesserat coronamentis. Etsi Prophetæ ve-
stimentum purpurâ non resplenduerit aut hiacyntho,
resplenduit in corde Eliano purior nive Candor, ELIAM
emeritum *Empyreï* Candidatum, manifestans. Longè
majoris albida ELIÆ prætexta fuerat pretij, quam auro
texta Neronis dibapha, splendidum Xantippes paluda-
mentum, aut superfluum omnium colorum Aristippi
æstimabatur vestitus. Suffecerat ELIÆ pro Sago & Toga
candida chlamis, quam neq; erumpentes lætiferi Æthnæ
tetigerant prûnæ, nec Sulphurea fuligo avidi obtenebra-
vit averni. Insurrexerant contra ELIAM missæ à Sty-
ge sphinges, fabulosa iniquæ falsitatis ænigmata Sancti-
ori objicientes Oedipo. Resolvit ELIAS prophético
Spiritu, quælibet difficultatum objecta, sed in fædissi-
mos monstrorum interitus, & propter ignominiosam
quorumvis errorum ruinam resolvit. Ibant turmatim
sociatæ fædere pessimo Harpyiæ, dentatatas contra be-
atum gerentes Virum harpagines; ignitum ELIAS vix
in ferocia spectra levavit gladium, illico ad ejus obri-
guere fulgorem, ac præ nimio ex clade recepta dolore,
velut Niobe in surdos lapides mutabantur. Infatrat
effrons

effrons malitia, simulq; obstinavit protervos Samaritarum animos, quos ita fideliter execrandi Baal inservire stimulavit idolo, ut Unum omni bonitate exuberantem odio haberent DEUM. Intabuit vesano amore erga Baal cum plebe Samaria Achab, summas delubro Baal adscribendo virtutes, cui nec quidem belluarum lingua convenit blaterare. Quis pudor aut metus in te habetur Achab? Baal tanquam Cæli dominatorem adoras, falleris! Baal septiceps nominatur bellua, non Numen, imo speciosum nihil tuis oculis ostentatur. Cave Achab ne dolosis Baal succumbas caveis. Ille, tuam barathri hæredissam constituet animam, ille æterna *Empyrei* sede, magno privabit cum gemitu, ille jucunda solvet requie, locabit in molesta Sisyphi mole, & volutanti Ixionis cum stridore dentium rotæ, alligabit. Verba hæc tanquam de surdo narrantur Achab, placidiùs abominabili Baal, impius adhæsit homo, iusta *Empyrei* possessoribus homagia denegando. Audi Achab, homo principis tenebrarum traheris in præceps, claude rivos sat prata flagitiosi bibere tibi, desere Pseudopphetas desere! alium ad Regnum incessabile quæras Ductorem, & certus præmij existeris operarius. Durior caucaso perseverat Achab, citius infiaci flectuntur adamantes, marpesiæ citius emolliuntur petrae, & achænea franguntur facilius mœnia, quam severi Achab animus. Offendit gravissimè à longè manentem ELIAM pertinacia Achab, ne tamen salutaris morbo vitiorum affecto defuisset medela Achab festinat quantocyus ex deserto Propheta, conspectui Achab præsto adest, nefandum Baal exprobrat servitium, de rejecto Omnipotentis DEI increpat cultu, precibus admonet, verbis arguit, ut strictos effusæ iniquitatis apponat limites, & incomprehensibilem adoret Creatorem, Ferocior tygride Achab, ad monita ELIÆ non mitescit, ast superbè recalcitrat, vecordi inflatus fastu, optimi sacram instructionem detestatur magistri, infido confidit Ba-

al, infirmæ illius potestati regiam offert Personam, planè ignorans potentiam Baal, tam diu regnare posse quam diu umbra viget, aut fluidæ undarum bullulæ intumescunt. O dementiam Achab & animi inclementiam! nullum est tam immane ferociâ monstrum, præter Achab. Perpende Dux gregis impij, perpende! num possit salubrior Eliano sermone ostendi informatio. Vivere si cupias, evita fraudulentiam Baal, acquiesce dictis ELIÆ, certo immensam *Empyreï* videbis Majestatem. Nequam Achab, proprium sequitur velle, ELIAM persequitur minis exasperat, & violenta morte; si possibile foret afficere præsumit. Quare desipis Achab, tartari nefande erro, *Empyreum* ELIAM turpibus furoris tui umbris opprimere exambis, evanido intumescis ausu. Prius tua marmarica definet rabies, quam ELIÆ benignitas superabitur. Exaruit propter ferventia Achab scelera, tota Samariæ terra, percussit pestilentus aer fluctuantes camporum aristas, urentes virentem herbam exsiccarunt venti, nec tamen contra ELIAM pro mortifero Baal, Achab bellare cessavit. Clausit ELIAS Cælum, stillantem toto triennio continuit rorem, Achab tamen licet gravi fame depressus, infame non dereliquerat fanum. Quousq; tandem delinquens Achab sætido ore resplendens sanctitate *Empyreum* calumniaberis ELIAM, quousq; plurima contra innocentiam patrabis crimina? Eheu corrige excessus, extingue furoris ignem, cochibe dissoluta licentiæ fræna, jam te ultrix malorum conscientia, ad æternum Rhadamanti condemnat mancipium, sulphureos construit rogos, infinitis supplicijs destinando. Attigit ultimum vitæ terminum, perfossus hostium sagittis Achab, ah miserrime attigit! ille qui temporali imperio, *Empyreum* ELIAM, vincere studuit, ignobiliter victus sævo cum discrimine occubuit. ELIAS, vivit & triumphat, Io triumphat ELIAS perennando, perennat triumphando. Viluit fortitudo Baal & inanis evanuit potentia, postquam

quàm *Empyreum*, ELIAS, in hôstes Summi DEI tremen-
dam extenderat magnitudinem. Contrivit Eliana ma-
gnanimitas incorrigibilem Achab, nec uno avulsô, al-
ter longè peior defecit. Revixit post funera Patris proge-
nies viperina Ochozias, Baal etsi non coluerit, Belzebub
horribilius adhuc spectaculum, maximæ venerationi ex-
posuit. Divinas laudes præstigiolo Belzebub delirans præ-
stitit Ochozias, insigni turpe ludibrium prosequebatur
honore, & immortalem Unius DEI subticuit famam,
laudesq. ejus violabat perennes. Iterum ELIAS novi
Tenebrionis contagiosam ferre non potuit labem. Para-
tus Hector pro Domino Exercituû mori, impavidus He-
ros ELIAS idololatrâ visitat Ochoziâ, persvadet quanta te-
meritate iniquo obedit Belzebub, quanta protervia Regis
Regum mandata transgreditur, & quanta inverecundi-
â, incomparabilem Ejus offendit majestatem. Lybicus
leonibus iracundior Ochozias, justas ELIÆ svasiones non
acceptat, Belzebub cœu decipienti Zabulo obtemperat,
vitam ei offerens & salutem. Quare Propheta Div: pe-
stiferam Ochoziæ sustines pervicaciam? Parcis etsi non
sit parcendum! flammanti quem dextrâ geris, disseca
idololatram ense, ne scandala Ochoziæ seductam depræ-
vent amplius gentem. Connivet dæmoniaco Belzebub
servo ELIAS, quantum potest, sperando gentilium fal-
lacias Deorum rejecturum. Dicimus à proprio non pro-
cul cadere poma trunco, Achab errorum Pater, ut pa-
ganicam non neglexit colluviem, sic turbulenta pro-
les Ochozias, seductorem gentis Belzebub tuebatur. De-
fendit Belzebub Ochozias, sed defensio illa, facta fuerat
Nôinis Divini offensio. Inviçtas opposuit vires, robori
Ochoziæ ELIAS, utq. pro Infinito Numine infractus no-
sceretur bellator ELIAS, Belzebub forti debilitat manu,
instabilem adimit fortitudinem, nec amplius terrifico
dirum caput permittit extollere portento. Illicò verti-
gine cerebri præ furore exagitatus Ochozias, vix ossibus

hæsit, quod fraudatoris Belzebub subsidio carebat, quòd
suū sceleris Authorē, velut mutos arborū Stolones, ad-
verterat stantem, quòd magicas infandis cultoribus de-
negantem artes, evidenti experientia probârit, Millenos
inquirent modos ad vindictam, optima tartari victima O-
chozias, vult inconvenientem Belzebub ulcisci injuriam,
quamvis injuria non sit, præparat acuta contra inno-
cuum ELIAM tela, minimè considerans, quia Eliana
internecinè feriunt adversarios arma. Quinquaginta
igitur Princeps armatos expedit Satellites, qui *Em-
pyreum* ELIAM, vix iracundiæ ignibus terrere cæpe-
runt, torridâ cælitùs missa, ita fuere absorpti flamma, ut
nec unicus deplorandæ cladis, ad proprium Castrame-
torem retro veniret Nuntius. Nondum Ochozias suffi-
cienter, hac funesta militum perterritus coede, colligit
quinquaginta alios, collectos iterum contra Prophetam
ordinat, ordinatis imperat, ut cæco impetu ruentes, op-
primant ELIAM, oppressum regio adducant Solio, aut
beata in ipsa certaminis acie Sanctiorem Epaminondam
proesumant spoliare vitâ. Intendit omnino regijs Mavor-
tia cohors parere jussis, at simili ut prius agmen percussa
nece, dolendum vitæ reportaverat fatum. Vorax san-
guinis humani heluo Ochozia, scrutare quid tua valeat
immanitas? *Empyreum* ELIAM cataphracta pugnatorum
legione, ceu fulgore gladiatorum loedere attentâsti. Redi-
it in suos scelus Authores, in mortem ELIÆ conspira-
bas, tuos mors ipsa prius consumpsit Asseclas, & ELI-
AS *Empyreum* lumine sanctitatis resplendens, nec in-
fortunatas periculorum nubes, nec horrida metuit
erebi tonitrua. Mirabiles ELIÆ in virtutibus successus,
hostiles inimicorum repellunt accessus, furibundos re-
bellium animorum dissipant motus, metusve improbos
minimè apprehendunt. Consuluit Belzebub cruenta vi-
tiorum labe infectus Ochozias, quomodo pristinam re-
cuperare posset sanitatem. Ille persuadente Belzebub
pro

pro pharmaco & medela, pestilenta haufit aconita, corpus & animā enecantia. Exhalavit formidolosū Ochozias spiritum, in flagranti Belzebub sinu, tota æternitate quieturū. O cineres Ochoziæ cineres illi, ex quibus improbæ; Pyroontis ebulliunt Scintillæ, & inextincti effervescentis Liparæ torres accenduntur. Consummavit breves annorum horas Ochozias, nunquam Serenos *Empyrei* dies conspecturus. Forsitan Sepulto Ochoziæ cuncta ELIAM impugnancia cessare infortunia? Nondum adhuc, nondum cessârunt fata. Exarsit fomes peccati Jezabel contra ELIAM, non satis fuit lividiori aspide mulieri, licet Achab, malitiosum in vitam, Prophetæ irritabat maritum, etiam non degenerem, adeo stimulârat natum, ut necem in Carne Angelo ELIÆ præpararet. Quando virorum defecerat tyrannis, pro tunc Jezabel altera furialis Aleto, singulas gesserat crudelitatis vices. Multiplicavit iracundiæ fomites insolens Libentina Jezabel, ne *Empyreum* ELIAS serenis fidelem populum recrearet radijs; occidit Jezabel certantes pro Domo Dei Prophetas occidit: trucidavit electum Pastoris eximij gregem, hac sanguinis innocui nondum satiata effusione, ardentiori correpta siti, ELIAM Angelici agminis Antesignaum infausta præsumpsit vexare tyrannide. Horribilis aspectu Nemesis Jezabel, dolosas ELIAM persequendi excogitârat artes, astutos proposuit modos, ut noxijs infortuniorum allideretur scopulis, & mœsto rubicone fatalia tingeret marmora insperatè. Latuit ELIAS in Colle Oreb, non quia iratæ Jezabel timeret ferociam, sed quia indecorum viderat, ex anili fronte triumphales legere palmas. Fusum potius Jezabel cum colo, non districtos in colla virorum præpara enses, foemineus odit præliâ sexus, Tu Jezabel mori es timida, & velut robusta Tomyris aut Orythia bellicam contra ELIAM congregas turmam! Time ne muliebris malitia, maxima veneni parte trucem affligat vultum.

Vigilant etenim insperata in culpas reorum fulmina, & fontes ultricia fata, ad certas pro peccamine provocant pœuas. *Empyreum* ELIAS potens ac inexpugnabile Cælum, loricatas Bellonœ, non solum perfringit, sed radicibus enecat phalanges, *Empyreum* ELIAS nunquam lachrymarum obruitur nubilis, nec grandinibus, vel congelata tegitur nive. Plejadum id muneris, gelidas producere guttas, non exoptatam temporis attemperare malaciam. Nimbosa Merope Jezabel, cruentò sanguinis profluvio zelum ELIÆ extingvere conata, sed vano clusa fastu, pro impia temeritate in escam rabidis molle corpus præbuit molloſſis. Inane pondus terræ Jezabel, rapaces ELIÆ injecti manus, ecce canino raptaris ungve & dentibus, numerosas contra *Empyreum* ELIAM ordinasti turbas, en cerberi faucibus tereris, sufficiens tota æternitate pabulum ejus perſiſtendo, O labilem Jezabel firmitatem! quæ *Empyreum* ELIAM infestans, caniculari ferociæ resistere ignoravit, nec acria opposuit tela. Narrabit posteritas sæculis admiranda Prophetœ merita, publicabit perennis Fama insuperabilem Alcidoë ELIÆ magnitudinem, laudabunt herculea præstantissimi Hectores opera ELIÆ, quæ adversa nunquã valuerunt invalidare anfracta. *Empyreum* ELIAS fatuos hostiũ ignes, & fatales ense ignito dissolvit cometas Fulserat olim diebus septem stella super Horizonte. Romano crinita, infaustos bellorũ casus, denuntiando Quiritibus. *Empyreum* ELIAS non septem dierum spatio, sed bis mille & quingentis; pergrata luce Orbi Christiano affulget añis, felicissimos sine omine malo exponendo eventus. Injecerat quondam Helesponto vincula Xerxes, ELIAS non dextrâ, sed palliò, Jordanis undas in binas diviserat partes, securum Prophetis vadam demonstrando. Affabilis apparuit ELIAS, DEUM colenti populo, terribilis Divini Honoris contemptoribus, videbatur. Risere placido vultu Cæli, dum *Empyreum* ELIAS indies virtutum suavem redolebat ambrosiã, vel placidam in zelosa contemplatione ca-

ſabat

fabat malaciam. *Empyreum* ELIAS violenta adversitate in-
superabilis, vanâ non flexibilis voluptate, mundi cōmodita-
te incorruptibilis, ita in corpore vixerat humano, ut nihil
præter nōen haberet humanū. Firmissimæ similis petræ ste-
terat in terris ELIAS, quā nec frequens Achab & Ochoziæ
rabies, nec frementia idolorū murmura, nec seditiosi Je-
zabel tumultu, de immotis cōmovēre fundamentis, Fortis
inquā petra ELIAS, à qua honorificæ in Cælicolarū hecca-
tōben profiliēre flāmæ, non Aras, sed haras falsorū cōburen-
tes deorū. Quidquid crudelis sæviit Achab in ELIAM
cū Ochozia, hoc statim frustrato impetu hebescebat, & im-
perterritū mirabatur victorē ELIAM. ELIAS sacræ Colūen
Ecclesiæ, Lumen Religionis, Fidei præfidiū ensis idololatra-
rū, immortalis famæ Colossus, & primus Athletarū pro DE
O certantium Coryphæus. Unus equidem vixit ELIAS, sed
omnibus omnia à DEO impetravit. Extollit voce sonora
beneficentiā Elisæi leprosus Naaman in virtute ELIÆ
bonæ restitutus valetudini. Gemuit non parvo tempore
leprâ infectus Naaman, non homo, sed viva mortis imago
dolore pressus cernebatur. Luxit quotidie spe anxia gra-
vatus, & quovis subsidio destitutus Naaman, levamen ali-
quod implorando. *Empyreum* ELIAS singultus & lachry-
mabilem ululatū, mutavit patienti Naaman in lætitiā,
nē ergo infirmus Naaman salubri careret remedio, ma-
nibus Elisæi successoris ELIÆ in Jordane mundatur,
& ipsis purior lymphis evadit, luce *Empyrei* & Jordaneo
latice, se purificatum agnoscendo. Non reticet liberalita-
tem ELIÆ vidua sarephtana de cuius munere, sine dimi-
nutiva alimenti quantitate, tempora ē sustentaverat vitam.
Copiosior de manu Prophetæ augmentabatur annona,
quām ex Amaltheæ cornu Diis cum nectare cibus. Cu-
mulati Cereris acervi, nunquam Elianz largitioni adæquā-
runt. Tanta fertilitas providente ELIA vacuum replebat
hydriā, ut quò lapidius muneratæ cōsumebantur fruges,
eò numerosior creverat abundantia. Perpendite erudita

AA ingenia Elianā cum probitate bonitatē, cum bonitatē clementiā, cum clementia laudandā probitatē, et favorem. Nullus magnificentior inter hōines surrexerat ELIA, ille ex utroq; bono ex utroq; liberalis dicitur munerator. DEUM ideò venerandum ELIÆ explicat Nōen, ut conijciat orbis, ELIAM Divino nutu, ōnia posse. Placuit summopere virtutibus & meritis Increatæ ELIAS Sapientiæ, placuit adeo mentis candore & cordis puritate, ut nullibi placidior Rerum æterno Moderatori DEO adinveniretur possessio, quā super *Empyreo* ELIA, lumine Sanctitatis resplendente. Eloquere ulteriora ELIÆ præconia Fama, pleno ore eloquere! terminum Benefacta ELIÆ non habent, nec syllabo brevi concluduntur. *Empyreum* ELIAS sacrato repletum splendore, si oratoria defuerint lumina, radios subministrabit eruditos, & tenebras discutiet ignorantiae. Alit eloquentiam subcinericius ELIÆ panis, & nē loquentia ora inedia macerentur, dulcis in Eliano pane refectio præparatur. Neminē sufficienter deauratæ Luculli satiârunt buccellæ sed famelicam causabant esuriē, divites Vitellii mensæ, famē potius non alimenta dabant, lauta Heliogabali convivia convitia palatis accersuēre, non latietatē, Panis Elianus tanta dulcedine gustantia condiverat, labia, ut nunquā alieno saturari appeterent cibo. Panis inquā Prophetæ; mysticā figurabat Novæ Legis hominū portionē. Jejunus cum anima desinit esse animus, ubi Elianæ instituuntur dapes. Tandem à rotunda Panis Eliani figura, sphæricus Astrologiæ orbis ad stellatū cū periodica verborum gradatione volvitur Olympū. Exstruxerat Cōsdroæ fastus mobiles humi Cælorū Sphæras, verū inanis ille manuū labor; labilem ruinā indicavit. Carmelus Pars contermina polis, Soliū ELIÆ trino fidere insignitū, tādīu immotū subsistet, quādiu cælestia clarebunt luminaria. Tranquillior nullibi ELIÆ fuerat vita, quā intra Carmeli culmina, nullibi commodior apparuit quies, quā inter excavatas Montis stellati cellulas. Suxit ELIAS in Carmelo mel carū charitatis, collegit suaveolentia

ex colle herbifero thymiamata, quibus Divinā ita placabat
Majestatem, ut, quidquid Prophetico exoraverat ore; illico-
cunctorum compos maneret votorū. Subtilis Divinæ Bo-
nitatis Scrutator quò altiùs Carmeli ascendit fastigia, eò pro-
fundius Unius DEI Attributa intellexit. Roridā ELIAS
in Càrmelo adverterat nubem, quæ Acherontis Domitricē
Immaculatā denuntiabat MARIAM. In Carmelo Coronā
gloriæ promeruit, et inde infinitæ Æternitatis felix possessor
approbandus. Extructa ceu manibus ELIÆ elaborata san-
cta pro Divino Honore Ædes Samnion, Sion viventi Che-
rubim in terris inflexit ELIÆ. Porro Càrmelus ille amæni-
tatis locus, quē Motrices Cælorū sic dilexerunt Intel-
ligentiæ, ut illi longè majori studio, quàm mobili primo
adstare niterentur. Pridem Canariæ amarescunt insulæ.
solus nonnisi Carmelus, melleos repræsentat favos, dulci
alimoniā rationalē animam delectantes. Privatur decoris
Hybla cum Hymetto floribus, in Carmelo sine spinis pur-
pureæ pullulant rosæ, absq; calametis lilia crescunt, sine
urticis odoriferæ erumpunt violæ, mirabilem juvante *Lim,*
pyreo spargentes ambrosiam. Procul a Carmelo damnosa
Seryphos, morbidi Vejoves, & insolentes Vatinii, Carme-
lus acli *Empyreū* intaminatus fovet Angelos, animasq; con-
tinet sine labe. Spirant de Carmelo, tanquā de Elisiis Cam-
pis cælestes cū Zephyro Ethesiæ, gelidū cū Aquilone con-
terentes austrū. Allexit Carmeli decor, ad elegantissimā E-
lisiū vitæ Regulā, cui tantū fidelissimus acquievit Athleta,
quantū piissima Antesignani poscebat rectitudo. Unanimi
ferè instructus spiritu, magnanimus invicti Hectoris ELIÆ
còmes zelabat pro DEO Elisæus, eā Ductoris sui verus Imi-
tator cucurrit viā, ut neq; tenuissimo palmo, palmaris He-
ros, ab optimo Patriarchæ recesserit instituto. Sedulò glo-
riosa admirabatur *Micheas Empyrei* ELIÆ eminentiā, quā
ut reverentiùs trutinare posset, continuus splendentij
Carmelo adhæsit Contemplator. Impenetrabilia *Empyrei*
arcana, cum timore meditabatur *Abdias*, & nè deliciosa tanti

Cæli frustraretur luce, immutabilis in Carmelo virtutum cultor, fluentes vitæ peregit annos. Non miremini AA. vivum ELIAM ex Carmelo ad voluptatis migrasse paradisū. *Empyreū* ELIAS fatalib9 nequit ecclipsari ūbris *Empyreū* incessanter serenū & tota æternitate manebit Lucidissimum. *Empyreum* ELIAS, deplorando Antichristi tempore, vacillante in Fide corroborabit gentē, timidum confirmabit populū, mæstos solabitur, & de *Empyreī* Solio venturū Judicē publicabit CHRISTUM. Totam seductor gentium contra *Empyreum* ELIAM suscitabit Vulcaniā Antichristus, jacula manu Steropum cudet, & fulminea tormenta aggregabit. Sed *Empyreō* ELIÆ, nec rigidæ Eumenidæ nocebunt minæ nec horrida Vulcani terrores incutient insignia. Minimè Stygius *Empyreum* ELIAM formidabit magus, subitò enim hæc larva Averni, more basylisci, fraude suaperibit. Labetur crudele nefas ingne *Empyreī* combustum, eritq; infinita, in miserabili busto tartarici consumptio Antichristi. Sentiet ELIAS Divinissimas infauſtam Corporis beatifici jacturam, non quia langvinolentas posset evitare cicatricers, sed quia alacer pro Rege dolorū Christo obitus, immortalē prophetæ vitam & solenē indefesso Atlanti ELIÆ præstabit triumphum. Iterum a tristi occasus Eliani alteratione, seu à dolenda cum fatis altercatione ad splendidissima Carmeli sidera fidos convertam frontis ministros. Resplendent sub *Empyreō* ELIA, primæ magnitudinis sidera summi in Ecclesia Pontifices, *Clemens, Telesphorus, Dionisius, Sylverius Zacharias et Benedictus* v, maximum orbi Christiano & Religioni solatium afferentes. Adornant Carmelum, ut crystallinā periphæria Cælos, candore virtutum, Rotæ Cardinalitiz Viri, *Bernardus de Roma, Bernardus Aureoli, Philippus de, Ferrario Ioannes Brixillotus, Desiderius a S. Martino, Annibaldus*, & præsentis ævi prudentia ac probitate clarus Sanctiss: *Clementis XII* felicissime Imperantis proximā consanguinitatis lineam attingens *Corsinus*. Renitent gemmæ Sanctitatis, Ecclesiarum Patriarchæ Catho.

licarum, *Alexádrinæ D. Cyrillus Alex: Antiochenæ*
SS. Serapion, Meletius & Gerardus, Hierosolymitanæ, D.
Cyrillus Hieros: Ioannes 44 acerrimus Immaculatæ Conce
 ptionis B-V-M-Defensor. Enumeranda venit Archiepi
 scoporum, Episcoporum multitudo, sed maximâ; brevis
 pagina Nominum quia non cōprehenderet seriē nec ora
 torius in enarrando sufficeret sermo, modesto involvun
 tur verborum silentio. Illustrant magnis Ingeniis Carme
 lum, eximij *DD. Guido de Perpiniano, Thomas Valden*
sis Ioannes de Baccone Sacrorum Interpres Canonum, et
 nobilissimus sua ærate Theologorum Princeps. Fulciunt
 Theologiam eruditis argumentis *Zagaglia; Bonaspes Dyo*
nysius Blasco, Eliseus Garcia & trecenti alij. Tingunt
 Carmelum diffuso è Corporibus Ærithreo tyrannica Sa
 racænorum cæde læsi centum quadraginta (ut Bellar
 minus refert) millia Martyrum. Protegit fidereum ma
 nibus Olympum *Angelus Martyr*, quem; nisi corporeus
 fuisset, minimè districta Persarum jacula tetigissent. Fir
 ma Ecclesiæ basis *Anastasius* stabit armatus contra fero
 ces Carmeli Encelados et Therones. Assistit *Empyreo ELIÆ*
 prænobile Confessorum Agmen *Albertus Drepatensis*
Simon, Stanislaus Polonus, Andreas Corsinus, Joáannes a Cru
ce, Avertanus, millenaq; Beatorum Nomina decus & or
 namentum Carmelo inferentia. Applaudit *Empyreo* can
 didus Virginitatis chorus Sanctior *Euphrasia, Seraphica or*
dinis prophetici Filia & Mater Theressia. Irradiat Carme
 lum Radius Sanctitatis ceu immutabilis luce sacratâ *Phe*
pe Magdalena; de Pazzis Nondū inclyti protoparentis *ELIÆ*
Filii, vestrâ filebo gloriâ. Edisserâ quòd iusta ratio suadet,
 & quod sancta cū virtutibus merita proponunt, publicabo
 Vivitis probissimi in Carmelo Lucetij, radiis Sapientiæ
 Orbi Universo allucentes. Triangulare Cor vestrū ita Se
 raphinorū ardet amore repletum, ut nihil præter inexháu
 stam scrutetur Bonitatem, nil præter Reginam Angelorū
 contempletur *MARIAM*. Eadem fere vobis quæ Angelis

inest proprietas. Exultant Angeli intra *Empyrei* Majesta-
tē, *Empyreū* ELIAS; candidi quoq; Carmelitæ Angeli no-
minantur. Quilibet in Carmelo *Empyrei* hæres, quilibet Cæ-
lestis Coronæ Candidatus & æviternæ consolationis par-
ticeps appellatur. Insuper Eliana propago cælicolarū mu-
nerata favore dissolutā Libertinorū odit vitā, Angelicæ
dedita contēplationi, Divina nonnisi indiget abundare gra-
tiā, fallacia verò mundi illicia, aut māmōnā tanti æstimat,
quantū aranea valet. Prophetico Eliani Ascetæ repleti en-
theo, spirant salubres auribus & oribus Christianorū En-
thusiasmos, efficacia contra pestē animæ remedia afferen-
tes. Ulterius in vestra encomia tenderet animus RR:PP:
nisi verba oris, *Mariana* abbreviaret Celsitudo, Sufficit
Vobis ad honorē & gloriā, quia *Mariæ de Monte Carme-
lo* FF: appellamini. Quid laudabilius & quid majus esse po-
test quā *Matris* DEI & Angelorū *Regina* Fraterna lætari
amicitiā. Non amplius elogiis se b votis certabo Vobiscum
RR: PP: Aduſq; Angelice Carmeli Ordo, fortunatos sub
Empyreo ELIA experire dies, aduſq; aureas sæculorū nu-
mera horas, quouſq; curret per æthera Phæbus, et aſtriferū
perennabit | *Firmamentū*. Tuā modo Sacerrime Patriarcha
& Fundator; imbellis Adorator in meta dictionis alloqui-
tur majestātē. Ignosce si nondū bene Tulliorum dulcorata
alimoniā, a Tuis aliquantū aberraverit laudibus lingua.
Majora enim ex Probitate & meritis Nomini Tuo accre-
ſcunt præconia, quā de florido Hortensiorum sermone.
Ultimum ergò dicendi terminū insulſa oris attingit elegan-
tia. Parce Proheta Divinissime, nec ejus culpes imperi-
tiam. *Empyreum* es omni favore, & clementiā plenum.
Empyreum inquā fatales lumine Sanctitatis dispellens Ec-
clypsēs. Illumina gentem Christianam luce sacra, ex-
hilara orbē Lechicum sereno jubare, extingve furen-
tis syrii ardores, exhibe fortunatā diebus & annis ma-
laciā, & sic vivæ vocis oraculo justē publicaberis

EMPYREUM ELIAS



30. II. 49.

Biblioteka Jagiellońska



stdr0024323

